

liavit semetipsum, factus obediens usque ad mortem. Humiliatio autem, passio, mors Christi, non fuere deceptions sensuum, ex dictis supra; alioquin, ut inquit S. IREN. L. 5. c. 1. n. 2. et Divus THOMAS hic, tantum apparerent fuisse redempti.

294. Inst. 2. Ad Philipp. 2. dicitur: *In similitudinem hominum factus, et habitu inventus ut homo; ergo non erat verus homo, alioquin Apostolus non dixisset: ut homo.*

R. D. Ant. In similitudinem hominum specificam naturae C. apparentiae tantum N. Ant. et Cons. cum ejus ratione. Nam 1. in similitudinem hominum ex se non denotat apparentiam, sed etiam veritatem; et 2. pariter haec: *ut homo.* Sic Gen. 3. Adam dicitur genuisse Seth in similitudinem suam; item sic dicimus de vero homine: vivit ut homo. Et quidem veritatem carnis hic declarari ab Apostolo, constat ex adjunctis; immediate enim ante dixerat de Christo: *qui, cum in forma Dei esset, non rapinam arbitratus est, esse se aequalem Deo; sed semetipsum exinanivit, formam servi accipiens.* Ubi nomine formae servi natura humana vera exprimitur; sicut per formam Dei vera natura divina. Ut merito TERTULLIANUS Lib. 5. contra Marcion. c. 20. in hunc textum diceret: *Aequa non erit Deus Christus vere, si nec homo vere fuit in effigie hominis constitutus. Utrobius enim veritas necesse habebit eludi, si effigies et similitudo et figura phantasmati vindicabitur. Quod si in effigie et imagine, qua Filius Patris, vere Dei praedicatus est, etiam in imagine hominis, qua Filius hominis, vere hominem inventum, nam et inventum ratione posuit, id est certissime hominem.*

295. Obj. II. Etiamsi Christus verum corpus non habuisset; non propterea impostor dici posset, aut deceperisse homines. Prob. Etiam angeli saepe apparuerunt in corporibus non veris; nec tamen ideo impostores dicendi; ergo nec Christus.

R. N. Ass. et parit. Angeli apparentes 1º. nunquam professi sunt se esse homines, filios hominis: licet in assumpto aereo corpore ad breve tempus homines imitari sunt visi. 2º. Licet more hominum viderentur ambulare, manducare, loqui; eas tamen actiones, se non vitaliter elicere, sed apparenter exercere subin contestati sunt, ut Tobite 12. 19. Videbar quidem *vobiscum manducare et bibere, sed ego cibo invisibili et potu, qui ab hominibus videri non potest, utor.* 3º. Saltem sua paulo post disparentia, aliove facto, quales essent, palam fecerunt. Et demum cuius angeli genealogiam, ortum, nativitatem, etc. Scriptura refert?

296. Obj. III. Verbum 1º. a Joanne dicitur: *caro factum, non anima;* ergo carnem solam assumpsit. 2º. Potest dici, quod Verbum in Christo suppleverit vices animae; cur enim hoc non posset? 3º. Si praeter corpus, Christus perfectam animam haberet, constaret tribus substantiis; sed, teste VASQUEZ in 3ª. part. Disp. 37. cap. 3., propositio illa a Concilio Toletano XIV. prolata, offendit BENEDICTUM II., qui eamdem notavit.

Ad. 1º. R. D. Dicitur caro factum per synecochen, sumendo partem pro tota natura C. secus N. Sic, phrasi Scripturæ, saepe caro pro toto homine sumitur, ut jam in Proemio observatum.

Ad 2º. R. N. Assert. Verbo divino enim convenire non possunt; imo repugnant, quæ Scriptura Christo quoad animam tribuit: tristari, pavere, et similes passiones, atque actiones.

Ad 3º. R. D. Si substantiam proprie sumas, prout communiter accipitur, pro natura completa N. si pro partibus substantialibus, quatenus natura humana Christi constat ex corpore et anima C. Sic natura divina Christi esset una substantia completa, corpus et anima seorsim duæ incompletæ; atque ita substantiae tres. Atque ita Patres Toletani propositionem suam exponebant Pontifici. Neque in hoc sensu censuram meretur; neque aliquam propterea summus Pontifex inflinxit: qui solum monuerat, minus proprie dici tres in Deo substantias, si ita simpliciter, ac sine limitatione diceretur; eo quod nomen substantiae simpliciter prolatum, pro substantia, vel natura perfecta et completa, communiter sumi soleat.

ARTICULUS III.

AN CHRISTUS CARNEM ASSUMPSERIT, EX MATRE MARIA VIRGINE, ILLÆSA INTEGRITATE MATRIS?

297. Dico I. Verbum divinum ex beatissima Virgine Maria corpus assumpsit. Ita dogma catholicum contra Valentinianos, volentes, Christum corpus de cœlo traxisse, perque Mariæ Virginis uterum, tanquam canalem, transmissee.

Prob. I. Auctoritate S. SCRIPTURÆ. 1º. Christus dicitur factus ex semine David, factus ex muliere: sic ad Rom. 1. *Factus ei ex semine David secundum carnem.* Ad Gal. 4. *Misit Deus Filium suum, factum ex muliere.* Atqui nec ex semine David secundum carnem esset, neque factus dici posset ex muliere, si carnem de cœlo traxisset, per Mariam duntaxat transiens; transitus enim jam factum supponit: sicut canalis (quod est simile hæreticorum) transeuntem aquam non facit, sed supponit. 2º. Matth. 1. dicitur *filius David, filius Abraham, natus de Maria.* Luc. 1. dicitur Maria Christum *conceptum, paritum:* atqui nullum ex his vere diceretur, si non assumpsisset vere corpus ex Maria Virgine, sed illud traxisset de cœlo.

Prob. II. Ex SYMBOLIS FIDEI. Symbolo Apostolorum, quo confitemur: *Natus ex Maria Virgine.* Constantinopolitano: *Incarnatus de Spiritu sancto ex Maria Virgine.* Athanasiano: *Deus est, Christus, ex substantia Patris ante secula genitus, et homo est ex substantia matris in seculo natus.*

Eamdem veritatem profitentur œcumenicæ Synodi. Ephesina I. epistolam CYRILLI recipiens tanquam orthodoxam (Labb. t. 3. p. 461. et seqq.) qua declaratur (Labb. ibid. p. 321. A.): *Non dubitarunt (scilicet SS. Patres) sacram Virginem Deiparam appellare: non quod Verbi natura, ipsiusve divinitas ortus sui principium ex S. Virginе sumpserit; sed, quod sacrum illud corpus, anima intelligenti perfectum, ex ea tracerit.* Idem facit Constantinopolitanum II. can. 2. (Labb. t. 5. p. 370.), Nicænum II. in definitione fidei. (Labb. t. 7. 554. E.).

298. Obj. Sacrae Scripturæ testimonio, Christus carnem non ex Maria Virgine traxit, sed de cœlo attulit; ergo:

Prob. Ant. 1^o. Joan. 3. ait Christus de seipso : Nemo ascendit in cælum, nisi qui descendit de cælo, Filius hominis, qui est in cælo; ergo corpus Christi non est ex substantia Mariae Virginis, sed allatum de cælo. Prob. Cons. Ratione enim divinitatis, sive qua Deus, non potuit descendere, propter immensitatem ubique existens.

2^o. 1. Ad Cor. 15. Apostolus Adamum Christum opponit : Adamum vocans hominem terrenum; Christum vero hominem cœlestem : primus homo de terra terrenus; secundus homo de cælo cœlestis : atqui si corpus Christi esset ex substantia Mariae Virginis, etiam esset terrenum; ergo.

3^o. Christus nunquam legitur beatissimam Virginem compellasse matrem, sed semper mulierem, ut in nuptiis Canæ : Quid mihi et tibi est mulier? Joan. 2.; in cruce : Mulier, ecce filius tuus. Joan. 19.

4^o. Quin palam negavit, se habere matrem, vel fratres. Quæ est mater mea, et qui sunt fratres mei? Matth. 12. Quæ propositio in se negativa est; ergo.

R. N. Ant. Ad prob. 1^{am}. R. N. Cons. et hujus prob. D. Non potuit descendere qua Deus, motu locali: quasi cœlum deserens descendisset in terram, cœlum terminum ad quem, in quo ante non fuisse C. descensu in alia acceptione N. Dicitur descendisse, quatenus humanam assumpsit naturam, eaque ratione se demittendo, et exinaniendo.

Ad prob. 2^{am}. R. D. Adamo Christum opponit secundum carnem ipsam N. secundum vitam, que in Christo, ob ejus sanctitatem substantialem, tota cœlestis fuit: e contra in Adamo magnam partem terrena C. Colligitur ex sequentibus; nam inde colligit Apostolus, Christum, ejusque discipulos spiritualia sectari; homines vero ex Adamo natos, et nondum Christum sectantes, terrestria, sive mundana: Qualis terrenus, tales et terreni; qualis cœlestis, tales et cœlestes. Ac concludit: Sicut portavimus imaginem terreni; portemus et imaginem cœlestis.

Ad prob. 3^{am}. N. Cons. Non enim sequitur: non est scriptum, quod Mariam appellaverit matrem; ergo sic nunquam appellavit. Deinde illam esse matrem suam sœpius et satis declaravit quoad rem, se vocando filium hominis; ut enim observat BEZA in Luc. cap. 11., alias nec vere filius hominis diceretur. Demum, etsi in citt. locis, aliis de causis, usus sit nomine mulieris: ut, ne in cruce prolato matris nomine ejus augeret dolorem; in nuptiis vero, ut ostenderet, majorem esse a se habendam rationem voluntatis Patris cœlestis, etc. De quibus plura Interpretates; S. Joannes tamen Mariam Christi matrem clare expressit: Stabant juxta crucem Jesu mater ejus et soror, etc. Joan. 19. v. 23.; et v. 26. Cum vidisset ergo Jesus matrem.

Ad prob. 4^{am}. R. N. Quod ibidem id negare intenderit; sed ea occasione declarare voluit, potiori apud se loco esse matrem et fratres spirituales, qui legem Dei observant, quam consanguineos carnales; si præcise spectetur carnalis propinquitas.

Unde continuo in discipulos manum intendens: Ecce, ait, mater mea et fratres mei; quicumque enim fecerit voluntatem Patris mei, qui in cœlis est, ipse meus frater, et soror, et mater est.

299. *Dico II. Verbum divinum carnem traxit ex Maria-Virgine, sive in-*

gra, et ante Christi partum viri experte. Ita Christiani omnes contra Judeos, et qui nomine solo Christum professi, revera Judæi erant: Carpocratem, Cerinthum, Ebionitas, aliosque similes.

Prob. Ex gemino SCRIPTURÆ testimonio, quorum prius extat Isaiae 7., alterum Matth. 4. Quoad primum. Cum Achaz liberandæ urbis Jerusalem, a rege Syriæ obsessæ, signum petere vel nollet, vel non auderet; Propheta hoc illi dedit: Propter hoc dabit Dominus ipse vobis signum. Ecce Virgo concipiet, et pariet filium, et vocabitur nomen ejus Emmanuel. Ad hanc prophetiam appellat Matth. c. 1. et impletam in Christo, a Maria concepto et genito, testatur: Cum esset desponsata mater ejus Maria Joseph; antequam convenienter, inventa est in utero habens de Spiritu sancto. Cumque et Joseph mysterii ignarus dimittere sponsam vellet; eum ab Angelo instructum refert: Joseph fili David, noli timere accipere Mariam conjugem tuam; quod enim in ea natum est, de Spiritu sancto est. Pariet autem filium; et vocabis nomen ejus Jesum; ipse enim salvum faciet populum suum a peccatis eorum. Tum subdit: Hoc autem totum factum est, ut adimpleretur, quod dictum est a Domino per Prophetam: Ecce Virgo in utero habebit, et pariet Filium, et vocabunt nomen ejus Emmanuel; quod est interpretatum nobiscum Deus.

Unde et aliud consequitur, beatissimam Dei Genitricem non tantum nihil deperdidisse integratatis virginæ ante Christi partum, sed nec in partu ipso; quia et Isaías Propheta, et Matthæus Evangelista utrumque enunciant: Ecce Virgo concipiet, et pariet filium.

300. *Reclamat Judæi: 1^o. Loco vocis Virgo in hebraico legi Alma: quæ vox hebraica non præcise virginem, sed adolescentulam significat, qualemcumque; itaque verterunt Symmachus, Aquila et Theodotion. 2^o. Verba Isaiae dicta esse de uxore Achaz regis Juda, quæ Ezechiam conceptura et paritura erat; quia Propheta regi dare signum volebat liberandæ urbis; sed quale signum fuisse, quod virgo multis post seculis conceptura et paritura esset? Vel certe de uxore Isaiae ipsis intelligi debet.*

Sed immerito; nam quoad 1^{am}. istud jam confutavimus n. 73. Quod vero Symmachum, Aquilam, Theodotionem attinet; his 1^o. versiones ibid. citt. opponimus. 2^o. Nullius hic quidquam auctoritas valet, nam Aquila et Theodotion, primum gentiles erant; postea Christiani; demum apostatae facti, et Judæorum proselyti. Symmachus autem de Ebionitarum faœce, per se ante jam integritatem beatissimæ Dei Genitricis negantium. Quid mirum igitur, quod locum Prophetæ, contra versiones reliquas, ipsis nœquidem Judæis suspectas, perverse interpretati sint?

2^{am}. vero nullo modo subsistit; quia, cum Isaías hoc vaticinium ederet, Ezechias jam decem, si non plures, annos natus erat; certum enim est 1^o. prophetiam contigisse jam regnante Achaz, ut constat ex 4. Reg. c. 16. v. 1. 2^o. Achaz regnavit annis sexdecim, ut iterum palam est ex 4. Reg. c. 16. v. 2. Ezechias vero continuo successit patri ibid. v. 20. Demum 3^o. cum Ezechias in regno succederet, antiorum erat 23. Posito igitur, quod jam tum in primo anno regni Achaz prophetia evenerit, Ezechias jam decimum ætatis annum salem jam inchoaverat; quomodo igitur Prophetæ eum nasciturum prædicere poterat? Neque obstat, quod signum parituræ Virginis

multis post seculis evenerit; quia hoc signum prænuntiare jussus erat Propheta, non quasi statim eventurum; alioquin saltem adhuc ante liberationem urbis impleri debuisse: quod vero falsum; cum ante liberatam urbem nec regi Achaz, nec Isaiae a facto vaticinio proles nata sit; sed ut regem in spem erigeret, argumento sumpto ab omnipotenti Dei liberationem promittentis; ac si diceret: si Deus efficere possit, quod promittit se effecturum, ut Messias concipiatur et pariatur a Virgine; quanto magis liberare te et urbem poterit ab hostibus?

Uxor denique Isaiae tempore vaticinii nec virgo erat, nec adolescentula; utpote quæ Isaiae jam pepererat filium nomine Jasub, qui, quot tunc annorum fuerit, equidem non constat; sed tamen ipse adolescentiam decurrebat, patrem comitari solitus, Is. 7. v. 3.

301. Obj. I. 1^o. Matthæus in genealogia Christi, hunc fuisse Abrahæ et Davidis filium, probat inde, quod Joseph ex Davide descenderit: sed haec probatio non subsisteret, si Christus via ordinaria generationis non descendet ex Davide; ergo.

2^o. S. Scriptura diserte Josephum Christi patrem asserit: *Erat pater ejus et mater mirantes super his, quæ dicebantur de illo.* Luc. 2. 33. Et ibid. v. 48. *Ecce pater tuus et ego dolentes quærebamus te.*

3^o. Apostolus ad Gal. 4. Mariam simpliciter mulierem appellat: *Misit Deus Filium suum factum ex muliere.* Item: sic alibi in Scriptura ab ipso Christo compellata est; ergo.

Ad 1^{um}. R. Quomodo Matthæus, Christum Davidis esse filium, et consequenter Abrahæ, probet per Josephum, quin inde sequatur, Josephum naturalem fuisse Christi patrem; jam diximus in genealogia Christi n. 149. et sequentibus.

Ad 2^{um}. R. D. Josephus vocatur pater Christi, juxta persuasionem communem et vulgarem C. quod revera naturalis Christi pater fuerit N. Constat ex ipso S. Luca c. 3. 23. *Et ipse Jesus erat incipiens quasi annorum triginta, ut putabatur, filius Joseph.*

Ad 3^{um}. R. N. Cons. Nomen enim mulieris non importat præcise corruptam; sed est nomen naturæ et sexus, feminam indicans, ut ait S. Aug. L. 23. contra Faustum c. 7., sive illa virgo sit, sive non.

302. Obj. II. Maria saltem in partu integratatem amisit virginitatis. Prob. ex Patribus: sic 1^o. TERTULL. L. de carne Christi. c. 23. *Peperit, inquit, quæ ex sua carne; et non peperit, quæ non ex viri semine.* Et virgo, quantum a viro: non virgo, quantum a partu. Et postea: *Etsi virgo concepit; in partu suo nupsit, ipsa patefacti corporis lege.* Idem prodit ORIGENES homil. 14. in Lucam. (opp. t. 3. p. 947. E. et 948. D.) 2^o. Patres alii tam Graeci, quam Latini, Virginis uterum in partu fuisse patefactum asserunt, ut IRENÆUS L. 4. c. 33. n. 11. S. ATHANASIUS epist. ad Epictetum n. 5. verum fuisse B. Mariae partum probat, et nostre similem Christi carnem ex eo, quod oblatum sit sacrificium propter apertum ab eo, qui est natus, matris uterum. Simili modo loquuntur plures alii, nixi S. Luca c. 2.: atqui *apertio uteri, reseratio, etc.* indicant læsum vel fractum virginitatis sigillum; ergo.

R. N. Assert. In quocumque enim reponatur virginitas, quod medicis

nondum omnino est extra controversiam; absolute tenendum est cum Isaia et S. Matthæo, dum decretorie pronunciant: *Virgo concipiet et pariet.* Eamdem illæsam in partu Mariae integratatem Sophronius Patriarcha Hierosolymitanus clare expressit, in epistola Synodica, quæ a generali Concilio VI. Sess. 11. approbata fuit, hæc scribens (Labb. t. 6. p. 876. E.): *Partus ipse incorruptibilis, illibata Virginitas, quæ ante partum, et in partu et post partum est intemerabilis.* Item Syn. gen. IV. sive Chalcedonensis in Prophontico, in quo de integratitate B. Virginis in partu loquuntur Patres (Labb. t. 4. p. 824. C.), adversus hostis in Ecclesiam conatus et impetus, Deum excitasse *Patres velut luminaria in errore degentibus, qui fidei intelligentiam omnibus exposuerunt, et Incarnationis beneficium accurate prædicarunt: quemadmodum ab initio illius ex utero perfectum sit mysterium: quomodo sit Dei genitrix propter eum, qui Virginitatem ipsi etiam post conceptum largitus est,* atque, ut Deo dignum erat, uterum obsignavit. Ubi, cum obsignatum et sigillo munitum dicunt Patres uterum Virginis post conceptum, manifeste indicant, in ipso partu obsignationem illam persistisse. Demum concors Patrum est sententia; quorum testimonii ex omni Ecclesie ævo petitis totas phylaras implevit noster PETAVIUS, Theol. Dogm. de Incarnat. L. 14. c. 6.

Ad 1^{um}. R. Nec TERTULLIANI, nec ORIGENIS, in rebus dogmaticis persæpe exorbitantium, hic nomine movemur; illisque hic plane heteroclite opinantibus, Isaiam, S. Matthæum, generales Synodos IV. et VI., et reliquorum Patrum exercitum opponimus, cum iisque totius sensum Ecclesiae. De TERTULLIANO plura num. sequenti, quæ et Origeni accommoda.

Ad 2^{um}. R. 1^o. D. min. Indicant læsum virginitatis sigillum, hic ubi partus extra ordinem, nec sine miraculo evenit N. in partu communi alias, et ordinario; quia ante partum per virum admissum jam læditur C. Sed, inquit S. Aug. sermone 14. de Temp. qui est de Natali Christi decimus (al. in append. 193. n. 2.), *tanta est divina illa potentia, ut et matrem redat fecundam, et virginitatem (in partu, de quo hic loquitur) servet illæsam.* Et serm. 21. (al. in append. 120. n. 2.): *Virgo genuit... inviolata peperit... utrobique miraculum: et sine corruptione gravida, et in partu Virgo puerpera.* serm. 19. (al. 186. n. 1.): *Concipiens virgo, pariens virgo, virgo gravida, virgo facta, virgo perpetua.* Serm. de diversis 50. (al. 191. n. 2.): *Maria virgo ante conceptum, virgo post partum.*

R. 2^o. Patefieri uterum, aperiri, etc. plus illis Patribus non significat, quam *nasci*, ex materno prodire utero; quod ita ferret communis alias et naturalis fœtum proferendi modus, ut aperito utero in lucem exeat: cuiusmodi catachresis in vulgari sermone frequenter adhibetur.

Nec obstat: Quod eodem genere sermonis S. Lucas Evangelista c. 2. ex Moyse Exod. c. 13. 2. et Num. 8. 16. accepto, quo primogenitus significatur, usus sit. Nam in ferendis legibus id spectat legislator, quod naturaliter et communiter accedit, non quod extra ordinem, nec sine miraculo. Proin communi et usitato modo loquitur.

303. Dico III. Etiam post Salvatoris partum beatissima Dei Genitrix MARIA, virgo constanter integra permansit. Ita rursum Christiani omnes, contra Apollinarem aliosque, quos *Antidicomarianitas* nominat S. EPIPHANIUS hær. 78., tum Eunomium, Helvidium, Joynianum virginitatis hostem, ac

propterea dictum a S. HIERON. L. 1. cont. Jovin. ab initio Christianorum Epicurum, Bonosum, etc. Etsi vero de illæsa Mariæ post partum Christi virginitate S. Scriptura sileat, efficaciter tamen

Prob. I. Ex perpetua traditione Patrum. Sic ORIGENES hom. 7. in Lucam (opp. t. 3. p. 940. B.) *in tantam quippe nescio quis, ait, prorupit insaniam, ut assereret negatam fuisse Mariam a Salvatore, eo quod post nativitatem illius juncta fuerit Joseph.* Tum hoc dicere, ait, esse haeresin, illamque ut impiam, ac nefariam damnat. S. EPIPHANIUS haeres. 78. n. 5. 6. (opp. t. 1. p. 1037.), inter haereses refert illam Antidicomarianitarum sententiam; quin *blasphemiam* appellat. S. BASILIUS homil. in sanctam Christi generationem n. 3. (opp. t. 2. p. 600. A.) : *Christum, inquit, amantium aures non sustinent hoc audire, quod Dei genitrix aliquando virgo esse desierit.* S. AMBROS. in epist. 42. ad Siricium (al. 7.) et L. de Institut. Virg. c. 5. n. 35. *Fuerunt, qui eam (B. Mariam) negarent virginem perseverasse. Hoc tantum sacrilegium silere jam dudum maluimus; sed quia causa vocavit in medium, ita ut ejus prolapsionis etiam Episcopus argueretur, indemnatum non putamus relinquentum.* Omitto plures.

Conf. hæc traditio a sensu utriusque Ecclesie Græcae et Latinae, quæ ad exemplum S. EPIPHANII, etiam in generalibus Synodis, sanctissimam Dei Genitricem nomine *semper Virginis*, vel antonomastice *Virginem* compellare consuevit. Porro sensus ille et mens totius Ecclesie inde amplius eluet, quod, quos supra memoravi perpetuae virginitatis Mariæ obtrectatores, eo solo nomine ab antiquis, et usque huc a Catholicis, ut haeretici habiti sint et damnati.

Prob. II. Rationibus D. TH. 3. p. q. 22. a. 3. in 4º. Antidicomarianitarum dogma injuriosum est Christo: sicut enim hic erat Unigenitus Patris, velut Filius Patris perfectus; ita decebat, ut esset Unigenitus Matris. 2º. Est injuriosum Spiritui sancto, ut, quam ipse obumbraverat, et sibi in sacra-rium elegerat, in quo Christi corpus formaret, postea cognita fuerit ab homine. Unde et 3º. summae ingratitudinis se ream fecisset Virgo sanctissima, si Dei Filii partu non contenta carnales expetiisset nuptias, et post conservata tanto prodigo virginitatem, hanc tamen carnali concubitu deponere voluisset; quod proin de tanta Virgine, quam unam, ceu matrem Filii sui inter omnes dignissimam, elegerat Deus, non potest a quoquam homine suæ rationis compote presumi.

304. *Obj.* Ex Scriptura et Patribus. 1º. Matth. 1. 18. dicitur Maria desponsata fuisse Josepho: *Cum esset desponsata Mater ejus Maria Joseph;* ergo, inferunt Centuriatores Magdeburgenses Cent. 1. Lib. 1. c. 10. ad mentem Calvini et Beze, *liquido constat, ita utrumque fuisse affectum, ut statuto tempore, more aliorum conjugum, voluerint liberos, dante Deo, procreare.* Et cur alias nupscribit?

2º. Ibidem dicitur: *Antequam convenienter, inventa est in utero habens de Spiritu sancto;* ergo postea convenerunt; hoc enim denotat particula *antequam.*

3º. Rursum ibid. v. 26. de Josepho asseritur: *Et non cognoscebat eam, donec peperit filium suum primogenitum;* ergo post partum Christi Josephus Mariam cognovit; hoc enim indicat particula *donec.*

4º. Christus ibid., tum alibi, vocatur Mariæ *primogenitus*; sed hæc vox est correlativa, et supponit alios adhuc postea fuisse genitos.

5º. Christus adhuc fratres habuit, Matth. 12. 46. *Ecce mater ejus et fratres stabant foris;* ergo post Christi partum adhuc peperit.

6º. Tertullianus, L. de Monogamia c. 8. *Christum quidem Virgo enixa est,* inquit, *semel nuptura post partum, ut uterque titulus sanctitatis in Christi censu dispungeretur, per matrem, et virginem, et univiram.*

R. Ad 1º. N. Cons. Matrimonium enim sine ejus usu consistit, unde de Josephi et Mariæ conjugio ait AUG. L. 1. de Nupt. et Concup. c. 11. *Nec mendax manserat conjugis appellatio; ubi nec fuerat, nec futura erat carnis ulla commixtio.* Et L. 23. contra Faustum c. 8. *Neque enim, quia (Josephus) concubitu non commixtus, ideo non maritus.* Ac S. AMBROS. de Instit. Virg. c. 6. n. 41. impugnans eos, qui putabant, nullum fuisse Mariæ et Josephi matrimonium: *non defloratio, inquit, virginitatis facit conjugium, sed pactio conjugalis.* Rationem vero, cur beatissima Virgo post conceptum nupserit Josepho, idem reddit in Luc. L. 2. n. 1. *Fortasse ne diceretur quod conceperat ex adulterio.* Et paulo post: *Ne temeratae virginitatis adureretur infamia, cui gravis alvis corruptelæ videretur insigne praferre.*

Ad 2º. et 3º. R. N. Cons. Non enim sequitur, ut postea convenerint; sed Scriptura, quod factum non sit, ostendit, inquit HIER. in cap. 1. Matthæi. Sic Gen. 8. de corvo a Noë emiso dicitur: *Non revertebatur, donec siccarerentur aquæ;* quo non istud innuitur, quod redierit siccatis aquis; sed quod prorsus non redierit. Ps. 109. *Dixit Dominus Domino meo: sede a dextris meis, donec ponam inimicos tuos scabellum pedum tuorum;* non sequitur, quod non amplius sit sessurus ad dextram. Item 1. Cor. 15. *Oportet illum regnare, donec ponat omnes inimicos sub pedibus ejus;* non sequitur, quod post humiliatos ejus inimicos non sit regnatus. Hinc particula *donec, antequam, ex se, et pharsi Scripturæ non semper tempus definitum, sed et indefinitum, imo infinitum significat.*

Ad 4º. R. N. vocem *primogenitus* supponere alios post illum progenitos; sed vi sua præcise significat eum, ante quem aliis genitus non est: sive dein post eum geniti sint alii, sive non, inquit S. BASILIUS orat. de Christi generat. n. 3. (opp. t. 2. p. 600. B.) Et vero, Num. 18. 16. offerri Deo debuit, et primo post partum mense redimi primogenitus: sed si primogenitus non est, nisi post quem aliis est genitus; oblatio ac redemptio differri potuisset usque ad secundogenitum, quia ante hujus ortum prior nondum esset primogenitus.

Ad 5º. R. Evidem ex Patribus aliqui Josephum viduum fuisse autem, cum B. Mariam sibi despontaret, filiosque procreasse ex priori matrimonio, qui dicti postea fratres Domini. At non probatur hæc opinio, nullo mixta fundamento; sed libris apocryphis, teste S. HIERONYMO in cap. 12. Matth. v. 49. ubi, *quidam, inquit, fratres Domini de alia uxore Josephi filios suspicantur, sequentes deliramenta apocryphorum.* Unde rectius dicitur, fratres Domini appellatos fuisse, quod essent ejus secundum carnem consanguinei, usitata alias Scriptura pharsi, Gen. 13. Abraham et Loth dicuntur fratres; atqui Loth Abrahæ nepos erat. Gen. 29. Laban Jacobum fratrem vocat; at Laban erat Jacobi avunculus, Gen. 28. 2. Jacobus minor ab

Apostolo ad Gal. 1. frater Domini compellatur; sed erat Cleophilus, sive Alphæi filius. Quo gradu autem essent Christi consanguinei, vide in tabula genealogica Christi n. 131.

Ad 6^{um}. R. cum S. HIERONYMO L. contra Helvidium; cum opinionis suæ vindicem proferret Tertullianum: *Et de Tertulliano quidem nihil amplius dico, quam Ecclesia hominem non fuisse. TERTULLIANUM tamen vindicat ab hac sententia PETAVIUS. Et vero haec, ruptura post partum, exponit PETAV. de Incarn. L. 14. c. 3., ut nubere sit idem, ac uterum resignari.*

ARTICULUS IV.

AN VERBUM OMNES CORPORIS HUMANI PARTES, ET QUO ORDINE SIBI HYPOSTATICE CONJUNXERIT?

Quæstio movetur 1^o. de sanguine, quem Verbo divino hypostatice immediate fuisse conjunctum negat DURANDUS, et quidam alii. Estque variorum de schola Lutheri, duce OSIANDO, opinio, inde pariter asserentium, de facto gloriosum Christi corpus esse absque sanguine: pronum est, hujus causam fragmenti conjicere; ut sic jam remote, velut per cuniculos, viam facerent ad impugnandum dogma catholicum de concomitantia naturali sanguinis cum corpore in Eucharistia; et vicissim corporis cum sanguine. 2^o. De aliis, quæ partes integrantes dicuntur humani corporis.

Discrimen vero hic notant Theologi inter uniri secundum hypostasin, et in hypostasi. Prius tantumdem sonat, ac uniri per se immediate et proxime: ita ut pars sic unita a Verbo terminetur immediate, sive nulla parte alia mediante. Alterum assumptionem mediatam significat; sic in hypostasi dicitur assumpta pars, qua quidem non immediate Verbo conjungitur, inest tamen naturaliter in natura assumpta. Et quoniam corpus Christi variis constat partibus solidis et fluidis, de singulis queritur: An easdem Verbum hypostatice, secundum hypostasin, sive immediate: an in hypostasi, sive mediate, assumpserit?

305. *Dico I.* Sanguis a Verbo divino secundum hypostasin, sive immediate et proxime assumpsus est. Est communis et certa Theologorum sententia.

Prob. I. Auctoritate S. SCRIPTURE. Ad Hebr. 2. v. 14. ait Apostolus: *Quia ergo pueri communicaverunt carni et sanguini, et ipse similiter participavit eisdem; ut per mortem destrueret eum, qui habebat mortis imperium. Sed Verbum immediate communicavit carni; ergo et sanguini; de utroque enim æqualiter, et sine ulla differentia loquitur Apostolus. Præterea S. Scriptura tribuit eodem modo redemptionem nostram sanguini Christi, ac corpori, idemque pretium. 1. Pet. 1. 19. *Redempti estis pretioso sanguine. Ad Ephes. 1. 6. Habemus redemptionem per sanguinem ejus. 1. Joan. 1. 7. Sanguis Jesu emundat nos ab omni peccato: sed corpori Christi pretium suum advenit ex unione immediate cum Verbo, et secundum hypostasin; ergo et sanguini. Nec sufficit dicere, S. Sanguini accessisse pretium illud ab oblatione Christi, quia eundem Patri obtulit; nam et sudores et lacrymas eidem obtulit; ac licet etiam præterea dici possint operata redemtionem**

et salutem nostram; nusquam tamen Scriptura id ita lacrymis, sudoribus ipsis, sicut ipsis sanguini attribuit.

306. *Prob. II.* Auctoritate CONCILIORUM et PATRUM. In Synodo generali IV. sive Chalcedonensi Act. 1. lecta, ac approbata fuit S. CYRILLI epistola, in qua verba Joan. 1. *Verbum caro factum est*, interpretatur hoc modo: *Non dixit Scriptura, Verbum Dei personam sibi hominis assumpsisse, sed carnem factum esse. Verbum porro factum esse carnem nihil aliud est, nisi similiter ac nos carne ac sanguine participasse* (Labb. t. 4. p. 162. D.). In Concilio item Ephesino pariter approbata legitur epistola S. CYRILLI synodica, ex Concilio Alexandrino; qua dicitur (Labb. t. 3. p. 400. B.), *Verbum Deum carnem et sanguinem assumpsisse. Et Anathem. 5. (ibid. p. 409. A.) asseritur: Verbum caro factum carni et sanguini perinde ac nos communicavit. S. GREGOR, NAZIANZENUS orat. 44. n. 9. : Humana omnia, excepto peccato, suscipit. Et auctor tract. 2. de Fide orthod. (in append. t. 1. opp. S. Greg. Nazianzeni p. 906.): Credimus..... Verbum caro factum esse..... hominem natum; non putative, sed vere; non aereum, sed corporeum; non phantasticum, sed carneum; ossa, sanguinem, sensum et animam habentem. Assumpsit corpus, ex carne, ossibus, et sanguine constans. CLEMENS VI, in Extrav. Unigenitus, de Pœnit. et Remiss. unam, docet, guttam Christi sanguinis, propter unionem cum divino Verbo, sufficisse ad redemtionem generis humani. Eodem vero modo rursus loquuntur citt. Concilia et Patres. Sicut igitur carnem, ita immediate assumpsit et sanguinem; latum vero discrimen esset, si sanguis mediate solum assumpsus esset; nec magis ea sanguini convenienter, quam sudori et lacrymis, mediate assumpsis; at Concilia et Patres hic speciale quid docent de sanguine.*

307. *Prob. III.* RATIONE. Verbum dum assumpsit, secundum hypostasin, naturam humanam; eam non mutilam, sed integrum perfectamque assumpsit; ergo æque secundum hypostasin, aut immediate assumpsit partes, ex quibus integritas et perfectio naturæ consurgit: atqui inter eas partes, quibus integratur et perficitur corpus, cum primis sanguis est; nam 1^o. sine eo nec integer, nec naturaliter esse homo potest: ut proin Levit. 17. 11. dicitur *anima carnis in sanguine esse*, hoc est, vitam ab illo pendere, ut exponit S. AUG. q. 57. in Levit. 2^o. Propterea etiam sanguinem in corporibus resurgentium futurum esse tradunt uno ore Theologi. 3^o. A Tridentino Sess. 43. c. 3. sanguis pars Christi dicitur: *Corpus sub specie panis et sanguinem sub vini specie... animamque sub utraque, vi naturalis illius connexionis et concomitantiae, qua partes Christi Domini... inter se copulantur.*

308. *Dico II.* Verbum quoque immediate assumpsit partes integrales reliquias, solidas et fluidas; sive dicantur anima informari, sive non.

Ratio est eadem; quia naturam humanam veram integrumque assumpsit; ergo simul partes eas, quæ ad illius veritatem ac integratatem pertinent. Tales sunt: caro, ossa, nervi, arteriæ, membranæ, etc. ex fluidis vero tres humores reliqui: phlegma, flava bilis, et atra. Item spiritus vitales et animales, qui sunt velut radii sanguinis purissimi, ac necessarii ad exercendas operationes vitales. Demum unguis, capilli; eo quod etiam ista tum ad inte-